



Synfocity = 901

mail us at : mzsynfo@gmail.com; mizoramsynod@gmail.com - Phone - 2314648

August 10, 2023

- **Ram ngaw, nungcha leh tui hna humhalh chungchanga hma lak dan tur chungchang sawi ho**
Synod Social Front chuan ram ngaw, nungcha leh tui hna humhalh chungchanga hma lak ho dan tur sawi hopui atan PHE Department, Pollution Control Board, Forest & Environment, CYMA leh Environmental N.G.O. sawm leh pakhatte sawmin August 4, 2023 (Zirtawpni) chawhma dar 11:00 khan Synod Committee Room-I-ah an ðu khawm a. Department leh pawl aiawhte an kal ða hle.

He meeting hi Rev. V.L. Luaia Hranleh, Executive Secretary i/c Synod Social Front-in a kaihruai a, Synod Social Front Executive member 8 leh sawm bik mi 20-ten, ram ngaw, nungcha leh tui hna humhalh chungchanga hma lak ho dan tur kawng hrang hrang an sawi ho a, a ðul anga la inrawn khawm zel pawh an tum.

Nungchate sa ei ðhin leh sa pel ching an la awm nual pawl an tihzia te, sairawkherh nena sava vehte pawh hmuh tur an la awm reng mai hmuh hrehawm an tihzia te, ram ngaw a chereu nasat tak em avanga tui hna kang chat awm ta ðeuh mai pawl an tihzia leh ram ngaw humhalh ðul an tihzia te an sawi a. ðawih thei lo bawlhhlawh paih duhdahin a nghawng pawizia te sawiin, Environment humhalh pawimawhzia hi Sunday School-ah te, ni tin school-ah te, Kohhranah te uar taka inzirtir a ðulzia te ðhahnem ngai takin an sawi.

He meeting-ah hian Forest Conservation Amendment Bill pawh sawi hovin, FCA Bill hi ða an tih loh thu leh an duh loh thu an sawi bawk.

- **National Protest Day hman a ni**
August 10, 2023 (Ningani) khan Synod Office-a thawktuten zing Devotion-ah National Protest Day an hmang a, Synod Moderator-in hun a hmang a, Dalit Kristian leh Muslim-te tan ðawngðairualna hun hman a ni bawk. National Protest Day hi Dalit Kristian te leh Dalit Muslim-ten an chanvo tur Kristian/Muslim an nih avang ngawta hamðatna an chan tak loh duh lohzia lantir nana hman ðhin a ni.

Kum 1950-ah khan Scheduled Caste chungchangah India ram President-in thupek ða lo tak a chhuah a 'Dalit-te chu Hindu sakhua ni lo, Kristian emaw, Muslim emaw-ah an inleh chuan Scheduled Caste-ah chhiar tel an ni thei lo vang.' tiin. He dan avang hian Dalit Kristian leh Dalit Muslim-te chu Scheduled Caste-ah telh an ni ve ta lo va. Chuvang chuan hnam hnuaihning an nih avanga an chanvo leh hamðatna zawng zawng an hloh fai vek a ni. He dan hi mipui hriat tura puanzar a nih aþang khan Dalit Kristian leh Dalit Muslim-te chuan kum tin August ni 10 hi National Protest Day-ah an hmang ziah ðhin a ni.

National Council of Dalit Christian-te, Catholic Bishop's Conference of India te, National Council of Churches in India leh pawl hrang hrangte leh mi malte pawhin rorelnaa ngaihtuah ða turin kum 2004 aþang khan vawi tam tak lehkha an lo thelut tawh ðhin a, April ni 12, 2023 khan Supreme Court of India chuan India ram Kohhran hruaitute ngenna thu leh hla ngaihtuahsakin, zir chiang tur bik Nodal Officers (Ukil rual) a din a, mahse heng an zir chianna te hi Supreme Court Bench chuan ala ngaihtuah hman rih lo a ni.

- **Synod Mission Board**
 - ◆ **Jharkhand Mission Field**
August 6, 2023 (Pathianni) khan member thar 10 an awm belh.
 - ◆ **Arunachal & Assam Mission Field (West)**
August 6, 2023 (Pathianni) khan belhtu thar pali an awm belh.
 - ◆ **Odisha Mission Field**
August 6, 2023 (Pathianni) khan belhtu thar pakhat a awm belh.
 - ◆ **Delhi Mission Field**
August 6, 2023 (Pathianni) khan belhtu thar panga an awm belh.
 - ◆ **Karbi Anglong Mission Field**
August 6, 2023 (Pathianni) khan belhtu thar 10 an awm belh.

◆ **Siliguri Mission Field**

August 6, 2023 (Pathianni) khan belhtu thar pahnih an awm belh.

◆ **Field Committee**

August 7-23, 2023 chung hian Field pali - Jharkhand, Patna, Lucknow leh Delhi-ah te Field Committee-in Rev. Dr. K. Lallawmzuala, Executive Secretary leh Committee member-te, Rev. F. Lalrinnunga leh Upa C. Lalmalsawma te an kal.

□ **'Jay Jay Karo'**

Synod Mission Board Media Sub-Committee leh Synfo ƣangkawpin an buatsaih Hindi Pathian fakna hla intihsiakna 'Jay Jay Karo' chu August 10 (Ningani) zan dar 8:00 hian Second Round, Synfo Studio, Synod Office-ah neih a ni dawn. Second Round-ah hian mi 13-in Sound track hmangin an hla duh ber sain intihsiakna an nei ang.

August 18, 2023 (Zirtawpni) zan dar 8:00-ah top 5 intihsiakna neih a ni ang a, August 29, 2023 (Thawhlejni) zan dar 8:00-ah final intihsiakna neih a ni ang. Second Round aƣang hian Hruaina Eng channel-ah live-a pekchhuah a ni.

Intihsiaknaah hian pakhatnain ₹ 70,000 leh Citation, pahnihnain ₹ 40,000 leh Citation, pathumnain ₹ 20,000 leh Citation an dawng ang a, Consolation prize 2nd round-a tlingten ₹ 3000 leh Certificate an dawng ang a, Top 5-a tlingin ₹ 5,000 leh Certificate an dawng ang.

India ram boruak leh mipui suk thlek lo danglam zelah hmai chhana Pathian Thu inhrih a harsa tual tual a. Chuvangin, rawngbawlina kawngah pawh tih dan thar zawn chhuah a ƣul hle a. Synod Mission Board Media Sub-Committee chuan rawngbawlina kawnga thil ƣangkai tak a nih beiseiin Hindi Pathian fakna hla sa thiam dap chhuah ƣha a ti a. Hemi atan hian mal zai intihsiakna, Jay Jay Karo hi buatsaih a ni ta a ni.

□ **Mizoram Christian College (MCC)**

August 4, 2023 (Zirtawpni) khan kum 2023-2024 chungna Mizoram Christian College Students' Body hruaitu tur puanna leh hlanna hun Synod Higher Secondary School, Assembly Hall-ah hman a ni a. He hun hi Upa Dr. Tawnenga, Principal, MCC-in a kaihruai a, Vanlalpeka, Asst. Professor-in Students' Body hruaitu tharte puan chhuahna hun a hman a, Lalngaihawmi, Asst. Professor-in Pathian hnenah hlanin a ƣawngƣai bawk. Students' Body hruaitu turte puan chhuah a nih rual hian Teacher incharge turte puan chhuah nghal a ni bawk a, zirlai hruaitu tharte aƣangin thusawi tawi ngaihthlak a ni bawk.

He hunah hian MCC Alumni Association chuan University Exam Result 2023-a MCC aƣanga Top 10 rank holder-te hnenah lawmpuina an hlan nghal a ni.

□ **Presbyterian English School (PES)**

August 7-11, 2023 chung hian Khawzawl Zuchhip PES leh Keifang PES-ah te Teacher Training neihpuuin Pu C. Lalrinliana, Supervisor of Schools leh Upa Dr. Lalrintluanga te an kal.

□ **Partnership**

August 9-14, 2023 chung hian Installation Service neiin Visakhapatnam-ah Rev. Z. John Malsawma Colney, Secretary, Partnership Committee a kal.

□ **Worship**

August 10, 2023 (Ningani) hian Khuang vuak leh Zai hruai training neihpuuin Bungtlang Bialah Pu H. Lalrinmawia, Senior Music Instructor leh Tv. Vanramnghaka, Keyboardist te an kal.

□ **MSSU**

August 12, 2023 (Inrinni) hian Sunday School Zirtirtu training neihpui turin Trainer-te hetiang hian an chhuak ang:

- | | | |
|-----------------------|---|--|
| Phulpui Kohhran | - | Upa K. Zoremsanga
Upa Zohmangaiha
Upa Lalchualova |
| Republic Veng Kohhran | - | Pu Lalhmunzauva Tlau, Asst. Coordinator
Upa Hrilthansanga
Upa H. Lalnghinglova |
| Khawruhlian Bial | - | Upa K. Vanlalnghaka
Upa John Lalnunthara
Upa Zomuana Ralte |

❑ **Campus Ministry**
August 10-11, 2023 chung hian Cherhluh Bialah Campus Ministry programme-ah Rev. H.L. Thianghlina, Director; Upa Lalnunsiamia Khalthang, Resource Person; Tv. Lalrinchhana, Counsellor leh Biakzuali Ralte te an kal.

❑ **Social Front**
August 12-13, 2023 chung hian Political Education campaign nei turin Sesawng Bialah campaigner-te, Upa R. Zirrokunga, Upa Lalzuitluanga, Upa C. Chawngthantluanga leh Upa H. Ngurthansanga te an kal ang.

❑ **Synod Relief Fund**
Tun hnaia harsatna hrang hrang tawkte hnenah Synod Relief Fund atangin hetiang hian chhawmdawl na pek a ni.

S.No	Khua/Veng	Pek chhan	Chhungkaw zat	Pek zat
1.	Riangtlei Kohhran Biak In ram leimin siam that nan			₹ 50,000/-
2.	Vaivakawn Vengthlang	In chhia	3	₹ 60,000/-
3.	Dinthar	In chhia	6	₹ 55,000/-
4.	Vawngawnzo	Damlo leh khawsak harsa	4	₹ 40,000/-
5.	Dawrpui Vengthar	In kang	2	₹ 30,000/-
6.	Kawngthar Veng, Vairengte	Damlo	2	₹ 20,000/-
7.	Vaivakawn Vengthlang	In chhia	1	₹ 12,000/-
8.	Neihloh	Damlo	1	₹ 10,000/-
Belh khawm				₹ 2,77,000/-

❑ **FM Zoawi - Aizawl & Lunglei : Hruaina Eng Radio Programme**
August 11, 2023 (Zirtawpni) @ 7:30 p.m. :
Solo : Laldusaki - Ring la i nung ang, **Zaipawl** : Lunglei Presbyterian Choir - Ka hrethiam tawh ang, **Thusawi** : Rev. R.C. Lalngkhakliana - Pathian nena len dun, **Solo** : Biakdika(Bda) - Min chhanchhuak ta, **Zaipawl** : Khatla Bial Zaipawl - Ka natna te a phur

❑ **Su samachar Prasaran Programme : August 13, 2023 (Pathianni) 5:30 pm. :**
Group/Choir/Solo : Kawngkharmawii - Bhajo Maan Yeshu Naam, **Group/Choir/Solo** : Kristian Centre Zaipawl - Hawale, **Sermon** : Rev. David Lalramliana Ralte - Hum Parmwshwar ke santan, **Group/Choir/Solo** : Lalduhawma - Aradhana, **Group/Choir/Solo** : LH Hindi School - Yeshu MASIH

❑ **Hruaina Eng TV Programme**
10.8.2023 (Ningani) 8:00 pm : Jay Jay Karo - Live programme
11.8.2023 (Zirtawpni) 5:00 pm : Kristian Naupang Pual
12.8.2023 (Inrinni) 5:30 pm : Puitling Sunday School Zirlai
8:30 pm : Rimawi huang
13.8.2023 (Pathianni) 8:00 am : Weekly round up
5:30 pm : Su Samachar Prasaran
14.8.2023 (Thawhtanni) 8:30 pm : Hruaina Eng Luang chhuak
15.8.2023 (Thawhlejni) 8:30 pm : Nilai Zan thupui zir ho - Family Guidance & Counselling Centre, Presbyterian Bible School leh Zirlai Viltu Committee

❑ **Moderator leh Executive Secretary-te Programme:**
Rev. Dr. C. Chawngmingliana : Moderator
Aug. 12-13, 2023 Kanghmun Bial
Rev. C. Zoramawia : Senior Executive Secretary
Aug. 15, 2023 Sialhawk Pastor Quarters en fel
Rev. V.L. Luaia Hranleh : Executive Secretary
Aug. 13, 2023 Venghlui Kohhran, FG&CC programme (Zan)
Aug. 14, 2023 NexGen Organization leh Central Kohhran Hmeichhe Committee Trainers' Training
Aug. 16, 2023 Prescom Dept. Enthatu Sub-Committee
Aug. 17, 2023 Prescom BEC
Aug. 20, 2023 Jubili Kohhran
Rev. Dr. K. Lallawmzuala : Executive Secretary
Aug. 7-18, 2023 Field committee - Jharkhand, Patna, Lucknow leh Delhi

RAWNGBAWLNA HNA RUAK

Mizoram Presbyterian Kohhran hnuaiiah a hnuaiia tarlan rawngbawl hna hrang hrang hi a ruak a. Presbyterian Kohhran mi, kum 18-35 inkar, ni 5.9.2023-a kum 18 tling, kum 35 la pumhlum lo, zuk leh hmuama fihlim tan dil theih a ni. Dilna Form leh Tualchhung Kohhran Confidential Report Form hi Synod Office (Aizawl leh Lunglei) atangin ni 27.7.2023 (Ningani) atangin lak theih a ni. Dilna hi Synod Service Board, Synod Office, Aizawl-ah thehluh tur a ni a, dilna form man Rs. 20/- a ni. Dilna Form-ah hriat tur pawimawh tarlan a ni.

1. SYNOD WORSHIP-A THAWK TUR

Hna hming : **Music Instructor/Instructress (Contract), Post - 1**
Thiamna : Graduate of any recognised University with a Diploma in Music
Hlawh : Synod Contract basis-a thawkte rawihna rate

2. SYNOD HOSPITAL, DURTLANG-A THAWK TUR

1) **Hna hming** : **Occupational Therapist (Contract) Post - 1**
Thiamna : Bachelor of Occupational Therapy (BoT) from recognised institution with CCA/CCC
Hlawh : Synod Contract basis-a thawkte rawihna rate

2) **Hna hming** : **Optometrist (Contract) Post - 1**
Thiamna : B.Sc.- OOT / M.Sc.-OOT (OOT-Optometry & Ophthalmic Techniques) with CCA/CCC
Hlawh : Synod Contract basis-a thawkte rawihna rate

3) **Hna hming** : **Dialysis Technician (Contract) Post - 2**
Thiamna : Diploma in Dialysis Therapy from recognised institution with CCA/CCC
Hlawh : Synod Contract basis-a thawkte rawihna rate

4) **Hna hming** : **Ophthalmic Technician (Contract) Post - 1**
Thiamna : Diploma in Ophthalmic Technology from any recognised institution with CCA/CCC
Hlawh : Synod Contract basis-a thawkte rawihna rate

Dil theih hun chung : Dt. 28.8.2023 (Nilaini) dar 4:00 p.m. thleng
 Written test : Dt. 31.8.2023 (Ningani) Dar 10:00 a.m.
 Interview : Dt. 5.9.2023 (Thawhlehi) Dar 10.30 a.m.

Sd/- Rev. C. Zoramwâwia
 Secretary
 Synod Service Board